



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆՆ ԱՌԸՆԹԵՐ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«27» «12» 2016թ.

Հասցե՝ ք. Երևան, Մ. Խորենացու 3, 7

ՈՐՈՇՈՒՄ N 2252 /01

Հարկ վճարողից ժամանակին չվճարված հարկային մարմնի կողմից վերահսկվող եկամուտների գծով վճարման ենթակա գումարը գանձելու մասին

ՀՀ կառավարությանն առընթեր պետական եկամուտների կոմիտեի աշխատակազմի իրավաբանական վարչության պետ Ա.Մնացականյանս քննարկելով «ՖԵՄԻՍՏՈ» ՍՊԸ-ի վերաբերյալ վարչական վարույթի նյութերը.

ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների «ՖԵՄԻՍՏՈ» ՍՊԸ-ի /ՀՎՀՀ 00106079, հասցեն ք. Երևան, Կիկյան 22/65, պետ. գրանցման համար՝ 264.110.20376/ հարկային մարմնի կողմից վերահսկվող եկամուտների գծով չկատարված պարտավորությունը 28.11.2016թ. դրությամբ կազմել է 1190003 ՀՀ դրամ, որից ապառք՝ 894142 ՀՀ դրամ, տույժ՝ 197116 ՀՀ դրամ, տուգանք՝ 98745 ՀՀ դրամ:

Վերոհիշյալ պարտավորության մասով Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ «ՖԵՄԻՍՏՈ» ՍՊԸ-ի հարկային մարմնի կողմից վերահսկվող եկամուտների գծով չկատարված պարտավորությունները գանձելու վերաբերյալ՝ «Հարկերի մասին» ՀՀ օրենքի 29.1 հոդվածով նախատեսված վարչական ակտ ընդունելու նպատակով, որի մասին 10.12.2016 թվականին ընկերության տնօրենը փոստային ծանուցագրով ծանուցվել է, սակայն չի ներկայացել և որևէ բացատրություն չի տվել:

Արդյունքում ժամանակին չկատարված հարկային պարտավորությունը կազմում է 1190003 ՀՀ դրամ, որից՝

Շրջանառության հարկի գծով պարտավորությունը կազմում է 1020867 ՀՀ դրամ, որից ապառք՝ 734200 ՀՀ դրամ, տույժ՝ 187922 ՀՀ դրամ, տուգանք՝ 98745 ՀՀ դրամ, որն առաջացել է 2013թ-ի 4-րդ, 2014թ-ի 1-4-րդ, 2015թ-ի 1-4-րդ, 2016թ-ի 1-3-րդ եռամսյակների շրջանառության հարկի հաշվարկից և սահմանված ժամկետում չվճարված տույժերից, ինչպես նաև ուշացված հաշվարկի հարկի գումարի նկատմամբ հաշվարկված տուգանքից:

Եկամտային հարկի գծով պարտավորությունը կազմում է 169136 ՀՀ դրամ, որից ապառք՝ 159942 ՀՀ դրամ, տույժ՝ 9194 ՀՀ դրամ, որն առաջացել է 2016թ-ի օգոստոս-հոկտեմբեր ամիսների հաշվարկներից և սահմանված ժամկետում չվճարված տույժերից:

Ընկերությունը կատարել է մասնակի վճարումներ շրջանառության հարկի գծով 750000 ՀՀ դրամ, եկամտային հարկի գծով 50000 ՀՀ դրամի չափով:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր:

«Հարկերի մասին» ՀՀ օրենքի 3-րդ հոդվածը սահմանում է, որ հարկը պետական և հասարակական կարիքների բավարարման նպատակով համապարտադիր և անհատույց վճար է: Համաձայն «Հայաստանի Հանրապետության 2016 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Վերոգրյալի հիման վրա, ղեկավարվելով «Հարկերի մասին» ՀՀ օրենքի 29-րդ հոդվածով, «Վարչարարության հիմունքների և վարչական վարույթի մասին» ՀՀ օրենքի 55-րդ, 56-րդ, 58-րդ, 88-րդ հոդվածներով՝

ՈՐՈՇԵՑԻ

1. «ՖԵՄԻՍՈՆ» ՍՊԸ-ից գանձել 390003 ՀՀ դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:



Handwritten signature in blue ink.

Ա.ՄՆԱՑԱԿԱՆՅԱՆ

Ստացն. որոշման օրինակը

2016 թ

Նշում որոշումն իրազեկելու այլ միջոցների մասին